

國

朝

列

卿

紀

國朝列卿紀卷之二十一

兼學士兼講讀學士年表

黃子澄

江西分宜人洪武三十二年以太常卿兼學士

習嘉言

江西新喻人正統十四年以詹事兼侍講學士

江淵

四川江津人正統十四年以戶部右侍郎兼學士入閣景泰三年加太子少師仍兼

王一寧

浙江仙居人景泰元年以禮部左侍郎兼學士入閣景泰三年加太子少師仍兼

蕭鎡

江西泰和人景泰二年以戶部右侍郎兼學士入閣七年加太子尚書仍兼

王文

直隸束鹿人景泰三年以吏部尚書兼學士入閣

徐有貞

直隸吳縣人天順元年以左副都兼學士掌理兵部尚書入閣

許彬

山東寧陽人天順元年以禮部右侍郎兼學士入閣

薛瑄

山西河津人天順元年以禮部右侍郎兼學士入閣

李賢

河南南陽人天順元年以吏部右侍郎兼學士入閣尋遷吏部尚書仍兼學士

彭時

江西安福人天順元年以太常寺少卿兼學士入閣八年遷吏部右侍郎仍兼

陳文

江西廬陵人天順二年以詹事兼學士七年以禮部右侍郎兼入閣歷吏部左侍郎禮部尚書仍兼

劉健

河南洛陽人成化二十三年以禮部右侍郎兼學士入閣

陸簡

直隸武進人進士弘治三年以少詹事兼侍讀學士遷詹事仍兼

費閻

直隸丹徒人成化己丑進士弘治三年以詹事兼侍讀學士

吳寬

直隸長洲人弘治三年以少詹事兼侍講學士十三年吏部左侍郎兼學士十六年禮部尚書仍兼

謝遷

浙江餘姚人弘治四年以少詹事兼侍講學士八年陞詹事兼學士

張昇

江西南城人弘治七年以少詹事兼侍讀學士

楊廷和 四川新都人弘治十六年以左春坊大學士兼侍講學士十八年少詹事兼學士正德元年以詹事兼學士

李遜學 河南上蔡人正德十三年以禮部尚書兼學士掌詹事府

賈詠 河南臨潁人進士嘉靖三年以吏部左侍郎兼學士掌詹事府

霍韜 廣東南海人進士嘉靖五年以兵部主事陞少詹事兼侍講學士六年以詹事兼學士遷禮部尚書仍兼

黃綰 浙江黃岩人嘉靖六年以少詹事兼侍講學士七年陞詹事兼學士

崔銑 河南安陽人弘治乙丑進士嘉靖八年以少詹事兼侍講學士

夏言 江西貴溪人進士嘉靖十年以禮部左侍郎兼學士遷禮部尚書仍兼

孫承恩 直隸華亭人進士嘉靖十八年以少詹事兼侍講學士禮部左右侍郎仍兼二十四年以吏部左侍郎兼學士

尚書  
仍兼

王用賓 陝西咸寧人進士嘉靖二十六年以少詹事兼侍講學士三十三年以禮部尚書兼學士改南吏仍兼

歐陽德

江西泰和人進士嘉靖二十七年以禮部左侍郎兼學士遷吏部左侍郎禮部尚書仍兼學士

程文德

浙江永康人進士嘉靖三十二年以吏部左侍郎兼學士尋奪職

李默

福建既寧人進士嘉靖三十三年以吏部尚書兼學士

茅瓚

浙江仁和人狀元嘉靖三十三年以禮部右侍郎兼侍講學士三十八年陞禮部左侍郎兼學士

李璣

江西豐城人嘉靖三十四年以吏部右侍郎兼學士掌詹事府

高儀

浙江錢塘人進士嘉靖四十五年以禮部尚書兼學士

趙貞吉

四川內江人隆慶元年以吏部左侍郎兼學士遷禮部尚書仍兼

潘晟

浙江新昌人進士隆慶元年以吏部左侍郎兼學士歷禮部尚書仍兼任

馬自強

陝西同州人進士隆慶五年以少詹事兼學士遷吏部左侍郎禮部尚書仍兼

呂調陽

見內閣隆慶五年以吏部左侍郎兼任學士掌詹事府事遷禮部尚書仍兼任

陸樹聲

直隸華亭人進士隆慶六年以禮部尚書兼學士

王希烈

江西南昌人進士萬曆元年以吏部左侍郎兼侍讀學士

汪鏜

浙江鄞縣人進士萬曆二年以禮部左侍郎兼任歷吏部左侍郎禮部尚書俱仍原兼

林士章

福建漳浦人進士萬曆二年以禮部右侍郎兼侍讀學士

姚洪謨

浙江秀水人進士萬曆三年以禮部右侍郎兼侍讀學士遷吏部右左侍郎俱仍原兼

呂旻

福建尤溪人進士萬曆六年以禮部右侍郎兼侍讀學士尋卒

許國

直隸欽縣人進士萬曆八年以詹事兼侍講學士歷禮部右左侍郎吏部左侍郎俱仍兼

周子義

直隸無錫人進士萬曆十年以禮部右侍郎兼侍讀學士歷禮部左侍郎吏部左侍郎俱仍兼

陳經邦

福建莆田人進士萬曆十一年以禮部尚書兼任

高啟愚

四川銅梁人進士萬曆十一年以禮部右侍郎兼侍讀學士歷左侍郎仍兼

王弘誨廣東定安人進士萬曆十二年以禮部右侍郎兼侍讀學士歷左侍郎吏左仍兼

趙志臯浙江蘭谿人探花萬曆十五年以少詹事兼侍讀學士

田一雋福建大田人進士萬曆十六年以禮部右侍郎兼侍讀學士

黃鳳翔福建晉江人進士萬曆十七年以禮部右侍郎兼侍讀學士

韓世能直隸長洲人進士萬曆十八年以禮部右侍郎兼侍讀學士

趙用賢直隸江陰人進士萬曆十八年以禮部右侍郎兼侍讀學士

盛訥陝西定遠人進士萬曆十九年以少詹事兼侍讀學士

國朝列卿紀卷之二十二

南京翰林院掌署院事年表

陳全

福建長樂人永樂丙戌榜眼十九年以侍講學士署院事宣德元年卒於官

張伯隸

江西吉水人洪武甲子鄉舉永樂十九年以修撰同陳全署院事二十一年卒於官

周孟簡

江西吉水人永樂甲申探花二十一年以詹事府丞暫署院事二十二年出為襄府長史後卒於官

陳用

福建莆田人永樂辛卯進士宣德元年以檢討署院事二年陞修撰正統五年陞侍講仍署院事七年丁憂卒於家

曾鶴齡

江西泰和人永樂辛丑狀元正統三年以侍講學士署院事五年卒於官

自八年至十一年俱為自守印

周叙

江西吉水人永樂戊戌進士正統十二年以侍讀署院事十三年陞侍講學士仍掌院事

邢寬

直隸無為人永樂甲辰狀元景泰三年以侍講學士署院事五年卒於官



王 檣

江西泰和人舉儒士景泰五年以檢討署院事天順二年丁憂

周洪謨

四川長寧人正統乙丑進士天順二年以侍讀署院事成化元年召北院

王 與

直隸武進人景泰辛未進士成化元年授南京翰林院學士四年丁憂詳南吏部尚書

陳秉中

浙江烏程人天順丁丑探花成化四年以侍講掌院事八年卒於官

錢 溥

直隸華亭人正統己未進士成化九年以侍讀學士掌院事十二年陞南京吏部右侍郎

徐 瓊

江西金谿人天順丁丑進士成化十二年以侍讀學士掌院事二十三年陞南太常卿掌國子監

楊守陞

浙江鄞縣人成化戊戌榜眼二十三年任南京翰林院侍讀署院事

吳希賢

福建莆田人天順甲申進士成化二十三年任南京翰林院侍讀學士署院事

陳 音

福建莆田人天順甲申進士弘治三年以南京太常寺少卿署院事

張元禎

江西南昌人天順庚辰進士弘治四年以侍講學士署院事

曾 彦 江西泰和人成化戊戌狀元弘治七年以侍講學士掌院事十年致仕

馬廷用 四川西充人成化戊戌進士弘治十一年以侍讀學士署院事

吳 儼 直隸宜興人成化丁未進士弘治十五年以侍講學士署院事

石 珪 直隸藁城人成化丁未進士正德元年陞南院侍講學士四年陞南京祭酒

豐 熙 浙江鄞縣人弘治己未榜眼正德四年以右諭德署院事

羅欽順 江西泰和人弘治癸丑進士正德九年以南京太常寺卿掌院事

陳 霽 直隸吳縣人弘治丙辰進士正德九年授南院侍講學士本年丁憂詳國子監祭酒

賈 詠 河南臨潁人弘治丙辰進士正德九年授南院侍讀學士詳內閣

黃 澗 福建莆田人弘治癸丑進士正德十二年以南院侍講學士掌院事十五年致仕

吳一鵬 直隸長洲人弘治癸丑進士正德十六年以侍講署院事詳禮部南京吏部尚書

嚴嵩

江西分宜人弘治乙丑進士正德十六年以侍講學士署院事詳內閣

郭維藩

河南儀封人正德辛未進士嘉靖四年以侍講學士掌院事詳翰林院

何塘

河南懷慶衛籍弘治壬戌進士嘉靖五年以南京太常寺少卿署院事詳南京都察院右都

吳惠

浙江鄞縣人正德辛未進士嘉靖六年以侍講學士署院事詳國子監太常寺卿

費宋

江西鉛山人正德辛未進士嘉靖九年以右庶子兼侍講學士掌院事詳禮部尚書

王敎

河南祥符人嘉靖癸未進士十三年以左諭德兼侍讀署院事詳南兵部右侍郎

孫承恩

直隸華亭人正德辛未進士嘉靖十六年以侍讀學士掌院事詳禮部尚書

鄒守益

江西安福人正德辛未進士嘉靖十九年以太常寺少卿兼侍讀學士掌院事詳南兵部右侍郎

黃佐

廣東香山人正德辛巳進士嘉靖二十一年以侍讀學士署院事詳少詹事

華察

直隸無錫人嘉靖丙戌進士二十三年以侍讀學士掌院事二十四年考察致仕

李本

浙江餘姚人嘉靖壬辰進士二十四年以右中允兼司業署院事詳內閣

呂懷

江西永豐人嘉靖壬辰進士二十五年以右中允兼司業署院事詳南太僕寺少卿

吳山

江西高安人嘉靖乙未進士二十八年以右庶子兼侍讀署院事詳禮部尚書

敖銑

江西高安人嘉靖乙未進士三十年以右庶子兼侍讀署院事詳太常卿掌國子祭酒

王維楨

陝西華州人嘉靖乙未進士三十一年以右諭德署院事詳南國子祭酒

沈坤

直隸大河衛人嘉靖辛丑狀元三十三年以右庶子署院事詳南國子祭酒

全元立

浙江鄞縣人嘉靖乙未進士三十五年以侍講學士署院事詳南工部右侍郎

高儀

浙江錢塘人嘉靖辛丑進士三十八年以侍講學士署院事詳禮部左侍郎

汪鏜

浙江鄞縣人嘉靖丁未進士四十一年以右中允署院事四十二年陞右諭德

陸樹聲

直隸華亭人嘉靖辛丑會元進士四十二年以右諭德署院事

姜金和

江西鄱陽人嘉靖庚戌探花  
四十二年以右諭德署院事

萬浩

江西進賢人嘉靖癸丑進士  
隆慶二年以右諭德任

陶大臨

浙江會稽人嘉靖丙辰榜眼隆慶四年以  
侍讀學士掌院事五年陞南國子祭酒

王錫爵

直隸太倉州人嘉靖壬戌榜眼隆慶五年  
以右諭德掌院事六年陞右春坊兼侍讀

余有丁

浙江鄞縣人嘉靖壬戌探花萬曆元年  
以左庶子掌院事本年陞南國子祭酒

范應期

浙江烏程人嘉靖乙丑狀元萬曆三年以右諭德掌  
院事本月丁憂八年以原官仍掌院事十年調用

戴洵

浙江奉化人嘉靖乙丑進士萬曆七年以  
右諭德掌院事八年陞南國子監祭酒

王弘誨

廣東定安人嘉靖乙丑進士萬曆十年以  
右諭德掌院事十一年陞南國子祭酒

黃鳳翔

福建晉江人隆慶戊辰榜眼萬曆十一年  
以右諭德掌院事十二年陞南國子祭酒

趙志臯

浙江蘭谿人隆慶戊辰探花萬曆十二年三月  
以右諭德掌院事本年十月改左諭德兼侍讀

田一儁

福建大田人隆慶戊辰進士萬曆十二年十月以右諭德掌院事十四年八月陞左諭德兼侍讀

習孔教

江西廬陵人隆慶戊辰進士萬曆十四年以右諭德掌院事

余孟麟

應天江寧籍祁門人萬曆甲戌榜眼十七年以待讀學士掌院事

南京翰林院學士附署印行實

陳全字

福建長樂縣人永樂丙戌榜眼授翰林編修十九

年以侍講署院事宜德元年卒於官

張伯隸字

江西吉水人洪武甲子鄉舉永樂十九年以修

撰同陳全署院事二十一年卒於官

周孟簡名偉江西吉水人永樂甲申探花二十一年以詹事府丞暫署院事二十二年出爲襄府長史後卒於官

陳用字

福建莆田人永樂辛卯進士官宣德元年以檢討署

院事三年陞修撰正統五年陞侍講仍署院事七年丁憂卒於家

曾鶴齡字延年江西泰和人永樂辛丑狀元正統三年以侍講學士掌院事五年卒

自八年至十一年俱孔目守印

周叙字功叙江西吉水人永樂戊戌進士正統十二年以侍讀署院事十三年陞侍講學士仍掌院事景泰三年召北詳北翰林

邢寬字南直隸無爲人永樂甲辰狀元景泰三年以侍講學士掌院事五年卒於官

王棨字江西泰和人舉儒士景泰五年以檢討署院事天順二年丁憂



周洪謨字堯弼四川長寧人正統乙丑進士天順二年以侍讀署院事成化元年召北院詳禮部尚書

王儼字廷貴南直隸武進人景泰辛未進士任左春坊左庶子成化元年授南京翰林院學士四年丁憂詳南京吏部尚書

陳秉中字 浙江烏程人天順丁丑探花成化四年以侍講掌院事八年卒於官

錢溥字源博直隸華亭人正統己未進士成化九年以侍讀學士掌院事十二年陞南京吏部右侍郎詳南京吏部尚書

徐瓊字時庸江西金谿人天順丁丑進士成化十二年以侍讀陞南京翰林院侍讀學士掌院事二十三年陞南京太常寺卿

掌國子監詳禮部尚書

楊守阯字惟立浙江鄞縣人成化戊戌榜眼任編修二十三年任南京翰林院侍讀署院事詳南京吏部尚書

吳希賢字福建莆田人天順甲申進士成化二十三年陞南京翰林院侍讀學士掌院事弘治二年卒於官

陳音字師召福建莆田人天順甲申進士改庶吉士授編修成化十三年陞侍講十九年陞南太常寺少卿弘治三年以南京太常寺少卿署院事六年進南京太常寺卿七年卒於官


張元禎字廷祥江西南昌人天順庚辰進士任左春坊左贊善弘治四年以侍講學士掌院事本年乞歸養母詳詹事府

曾彥字士美江西泰和人成化戊戌狀元弘治七年以侍講學士掌院事十年致仕

馬廷用字良佐四川西充人成化戊戌進士弘治十年以侍讀學士掌院事詳南京禮部右侍郎

吳儼字克溫直隸宜興人成化丁未進士弘治十四年以侍講學士掌院事詳南京禮部尚書

石珪字邦彥直隸藁城人成化丁未進士任修撰正德元年陞南院侍講學士四年陞南京祭酒詳內閣

豐熙字  浙江鄞縣人弘治己未榜眼正德四年以右諭德署院事八年丁憂陞翰林院學士

吳一鵬字南夫直隸長洲人弘治癸丑進士正德六年以侍講署院事詳禮部南京吏部尚書

羅欽順字允升江西泰和人弘治癸丑進士正德九年以南京太常寺卿掌院事十年陞南吏右侍郎

陳霽字直隸吳縣人弘治丙辰進士正德九年授南院侍講學士丁憂十二年復除侍講學士本年陞國子監祭酒

賈詠字鳴和河南臨潁人正德六年任左春坊左中允九年授南院侍讀學士十一年拜南監祭酒詳內閣

黃瀾字福建莆田人弘治癸丑進士正德十年任國子監司業十二年以南院侍講學士掌院事十五年致仕

嚴嵩字惟中江西分宜人弘治乙丑進士正德十六年以侍講學士署院事詳內閣

郭維藩字汝河南儀封人正德辛未進士嘉靖四年以侍講學士掌院事十年陞翰林院侍讀學士十二年卒

何瑋字粹夫河南懷慶衛籍弘治壬戌進士嘉靖五年以南京太常寺少卿署院事詳南京都察院右都

吳惠字汝浙江鄞縣人正德辛未進士嘉靖六年以侍講署院事八年改翰林院詳國子監太常寺卿

費采字子和江西鉛山人正德辛未進士歷南京尚寶司卿嘉靖九年以右庶子兼侍講學士掌院事詳禮部尚書

王教字庸之河南祥符人嘉靖癸未進士十二年以左諭德兼侍讀署院事詳南京兵部右侍郎

孫承恩字直隸華亭人正德辛未進士嘉靖十六年以待讀學士掌院事詳禮部尚書

鄒守益字謙之江西安福人正德辛未進士授編修謫廣德州判陞南禮部主客司郎中嘉靖十八年起司經局洗馬兼侍讀十九年以太常寺少卿兼侍讀學士掌院事本年改南京國子監祭酒二十年自陳致仕

黃佐字才伯廣東香山人正德辛巳進士嘉靖二十一年以侍讀學士署院事詳少詹事

華察字子潛直隸無錫人嘉靖丙戌進士二十三年以侍讀學士掌院事二十四年考察致仕

李本字汝立浙江餘姚人嘉靖壬辰進士改庶吉士二十年任南國子司業二十四年以右中允兼司業署院事五月改左中允仍掌院事二十七年陞南國子監祭酒詳內閣

呂懷字汝德江西廣信府永豐人嘉靖壬辰進士改庶吉士授科給事中改司直二十四年陞南監司業二十五 year 以右中允兼司業署院事二十九年陞南通政司右叅議三十一年陞南京太僕寺少卿

吳山字曰靜江西高安人嘉靖乙未進士二十八年以右庶子

兼侍讀署院事詳禮部尚書

敖銑字純之江西高安人嘉靖乙未進士三十年以右庶子兼侍讀署院事詳太常寺卿掌國子監祭酒

王維楨字允寧陝西華州人嘉靖乙未進士歷修撰三十一年以右諭德署院事三十四年陞南京國子監祭酒

沈坤字伯載北直隸大河衛人嘉靖辛丑狀元授翰林修撰陞右諭德二十三年以右庶子署院事三十五年陞南京國子監祭酒

全元立字汝禮浙江鄞縣人嘉靖乙未進士三十五年以侍講學士署院事詳南京工部右侍郎



高儀字子象浙江錢塘人嘉靖辛丑進士三十八年以侍講學士署院事四十二年陞太常寺卿掌國子監事四十三年陞禮部右侍郎四十四年陞左

汪鏗孫字振宗浙江鄞縣人嘉靖丁未進士四十一年以右中允署院事四十二年陞右諭德

陸樹聲字與吉直隸華亭人嘉靖辛丑會元進士四十二年以右諭德署院事

姜金和字節之江西鄱陽人嘉靖庚戌探花授編修三十七年陞侍讀四十二年以右諭德署院事

萬浩字

江西進賢人嘉靖癸丑進士

隆慶

二年以右諭德任

陶大臨字虞臣浙江會稽人嘉靖丙辰榜眼隆慶四年以侍讀學士掌院事五年陞南京祭酒十月陞少詹事兼侍讀學士六年陞詹事

王錫爵字元馭直隸太倉州人嘉靖壬戌榜眼隆慶五年以右諭德掌院事六年陞右春坊兼侍讀萬曆二年陞國子監祭酒三年陞少詹事兼侍讀學士掌院事

余有丁字丙仲浙江鄞縣人嘉靖壬戌探花萬曆元年以左庶子掌院事本年陞南京國子監祭酒

范應期字伯禎浙江烏程人嘉靖乙丑狀元萬曆五年以右諭

德掌院事本年丁憂八年以原官仍掌院事十年調南京刑部司員外

戴洵字汝誠浙江奉化人嘉靖乙丑進士萬曆七年以右諭德掌院事八年陞南京國子監祭酒

王弘誨字紹傳廣東定安人嘉靖乙丑進士萬曆十年以右諭德掌院事十一年陞南京國子監祭酒

黃鳳翔字福建晉江人隆慶戊辰榜眼萬曆十一年以右諭德掌院事十二年陞南京國子監祭酒

趙志臯字浙江蘭谿人隆慶戊辰探花萬曆十二年三月以右諭德掌院事本年十月改左諭德兼侍讀

田一儁字

福建大田人隆慶戊辰進士萬曆十二年十月

以右諭德掌院事十四年八月陞左諭德兼侍讀

習孔教字

江西廬陵人隆慶戊辰進士萬曆十四年以右

諭德掌院事

余孟麟字伯祥應天江寧籍祁門人萬曆甲戌榜眼十七年以

侍讀學士掌院事

國朝列卿紀卷之二十三

六部尚書總叙

夫尚書之置非古也秦變周法天下之事皆決丞相府置尚書於禁中有令丞掌通章奏而已漢初因之職屬少府自武帝遊燕後庭特用宦者至宣元之後稍以委任於是弘恭石顯相繼爲中書令專權邪僻三公特受成事而已成帝時始置尚書五人一人爲僕射四人爲四曹曰常侍曹二千石曹民曹客曹後又置三公曹是爲五曹及後漢光武親總吏職天下事皆上尚書與人主叅決乃下三府尚書令爲端揆之官又分爲六曹凡庶務皆會而決之然尚書雖有曹名不以號追靈帝以待中梁

鵠爲選部尚書而曹名始見以後職權益重部分日詳魏有吏部左民客曹五兵度支五尚書晉有吏部三公客曹駕部屯田度支六尚書渡江以來定爲吏部祠部五兵左民度支凡五尚書歷宋齊梁陳又加都官凡六尚書類隨宜建置無有常典惟隋制準爲吏戶禮兵刑工六部尚書歷唐宋相因不改然較之周官六典猶有未盡協者蓋周典六卿分職不相混壓而隋唐宋則爲尚書省之屬官故結銜云尚書某部某官其稱尚書者省名也 國初因前代之制置中書省設左右丞相等官天下政事皆由之而出其屬有四部分治錢穀禮儀刑名營造之務洪武元年始置吏戶禮兵刑工六部俱正三品衙門定尚書正

三品侍郎正四品每部設郎中員外郎主事仍屬中書省至  
三年監丞相胡惟庸等壅蔽之弊革中書省陞六部爲正二品  
衙門尚書正二品侍郎正三品每部分四子部每子部各設郎  
中員外郎主事於是中書之政分於六部矣革除元年改六部  
爲正一品衙門尚書正一品添設左右侍中各一員正二品所  
屬諸司舊有清吏二字皆除去 文皇正位悉復洪武舊制永  
樂元年陞北平爲北京總置行部設尚書二員侍郎四員所屬  
吏戶禮兵刑工六曹清吏司郎中員外郎主事各一員後旣遷  
都又分置六部各稱行在某部十八年 詔定都於北京除行  
在二字又革行部其舊在南京者加南京二字洪熙元年復稱

行在仍設行部於南京六部悉去南京二字宣德三年仍舊行  
部正統六年於北京復除行在二字於南京仍加南京二字遂  
爲定制兩京建置悉同但大政悉歸於北其在南京官員悉從  
裁省建官大意具見各部條內今總叙其槩云



## 吏部序

夫吏部者古選部也自秦置尚書以來漢成帝設常侍曹主公卿事後漢光武改爲吏曹主選舉祠祀至靈帝又改爲選部及魏更漢命又改爲吏部專主選事拜陳羣爲吏部尚書建九品官人之法其制於是乎益詳歷晉宋梁陳凡選舉皆尚書主之迨隋置侍郎貳尚書之事則六品以下銓補多歸之唐承隋制吏部統吏部司封司勳考功四曹沿及趙宋相因不革然皆爲尚書省屬官與周官冢宰掌邦治之意固有間矣國初遠稽唐宋置六部衙門並屬中書省洪武十三年革中書省罷丞相使政歸六部分理每部分四子部各設郎中員外郎主事如周官

六卿各率其屬而治吏部曰司封曰司勳曰司  
功二十二年改總部爲選部二十九年又改選部爲文選司封  
爲驗封司勳爲稽勳考功仍舊俱稱清吏司永爲定制凡天下  
官吏選授勳封考課之政令俱吏部掌之而吏部尚書之蒙  
簡命禮數特異其勳勞茂著則三孤是加及其卒也往往三公是  
贈而申之以易名之典是罷丞相以後而統百官均四海之責  
在吏部固甚重也永樂初肇建內閣選翰林官入直然皆講讀  
纂修備顧問而已比後楊士奇等加至三孤領尚書職猶不得  
專制外事而品叙列遷義夏原吉之下其叅謀密勿商確大政  
寒夏居多則不以內閣壓六部之意明矣況吏部爲百官之首

而內閣自景泰以前未有加兼吏部尚書焉者自王文以易儲  
由左都御史陞吏部尚書兼學士入閣遂爲後例然皆以資勞  
叙遷亦未有陞至吏部尚書理部事而又入內閣焉者故弘治  
初年南臺薦王恕可入內閣上曰朕用蹇義王直故事委恕  
吏部若有謀議亦無不聽則官至尚書不可復入內閣固定制  
也至正德初年逆瑾用事吏部尚書焦芳交結逆瑾取入內閣  
而劉宇曹元輩各以附瑾相繼由尚書入直自是遂以尚書爲  
入內閣階梯至今沿而不變者勢則然也所幸祖訓昭明嚴  
不可犯雖間值權奸有所時輕徒以體統素正品式具存猶得  
堅持慎守潛扶默救以需燕來之慶夫然後知聖祖慮周萬

世而收效於無疆者亦云偉矣使職吏部者秉公持正不爲勢撓朝廷端拱以照臨於上則法守固在也乃不免挾私壞憲爲公議所乘至與內閣相比以固寵終身其所喪多矣矧責之權衡百度師表庶僚者哉惟吏部改置北京肇自永樂辛丑若洪熙元年至正統五年雖有行在之稱而太政實出於北及正統六年復永樂十九年之舊逸世守不改今詳各官宦履於後其行實備於事紀其功德茂著者表爲列傳

國初吏部尚書總論

國朝設官分職吏部尚書極矣自聖祖肇跡金陵稽古建官於洪武之元年設六部而選課勳封俱隸吏部至十三年革丞相升六部而吏部尤爲百僚之長時用人不以其方或用降附或用薦舉而山林隱逸之士各乘運而興以集於朝雖賢否不可類科如陳公修詹公同吳公琳輩皆能明習經制辨才定位爲萬年不易之典雖聖神天授素定於畎畝之中而叅謀密議雅稱任使於此見諸臣規度亦不凡矣

國朝列卿紀卷之二十三

國初吏部尚書年表

滕毅

年任二年出為江西叅政

商昂

山東定陶人故元平章洪武二年任詳御史中丞

張銘善

洪武三年任

王興福

湖廣應山人歸附洪武三年任謫知西安府詳國初戶部

郎本中

洪武三年任

陳修

江西上饒人歸附洪武四年任

李仁

河南唐縣人歸附洪武四年任

詹同

南直隸婺源人故元學正洪武四年任

李守道

守將洪武四年任  
人故元

朱斌

洪武五年任  
人

周時中

江西龍泉人  
偽漢平章洪武五年任

趙亨堅

洪武五年任  
人

呂本

南直壽州人  
故元都事洪武五年任

吳琳

湖廣黃岡人  
薦舉洪武六年任

王克已

山西壽陽人  
徵辟洪武七年任

盛原輔

洪武七年任  
人

呂熙

洪武八年任  
人

趙好德

河南汝陽人  
儒士洪武八年任

王敏

洪武九年任人

陳銘

洪武十一年任人洪

張度

廣東增城人故元教諭洪武十二年任

陳昱

舉人才十二年任人洪武初

侯斯

應天溧水人故元知州洪武十三年任

劉崧

江西泰和人故元鄉舉洪武十三年以禮侍署部事

洪彝

武十三年任人洪

范敏

河南閿鄉人秀才洪武十三年任

阮峻

浙江仁和人故元教官洪武十三年任

李信

山西浮山人縣掾洪武十五年任



陳敬 河南洛陽人薦舉  
洪武十六年任

任昂 河南洛陽人故元進士  
洪武十六年任

余燦 直隸崑山人洪武十年  
舉明經十七年任

趙瑁 河南宜陽人儒士  
洪武十八年任

詹徽 直隸婺源人薦舉  
洪武二十三年任

翟善 直隸泰興人歲貢  
洪武二十八年任

杜澤 山東沂水人洪武中  
舉文學二十九年任

茹瑞 湖廣衡山人洪武三十  
一年任詳國初兵部

張統 陝西富平人洪武初  
舉明經三十一年任

蹇義 四川巴縣人進士  
元年任加少師

國初吏部尚書行實

滕毅字

人元末兵亂流寓江南乙巳年大

祖征僞吳以儒士入見言事稱旨留相國徐達幕下五月拜

爲起居注上謂毅曰吾見元末大臣門下之士多不以正自

處惟務諂諛以圖苟合見其所爲非是不相與救正及其敗

也卒陷罪戾爾從徐相國幕下久而無過故授爾是職宜盡心

所事勿爲苟且苟事有差謬皆是爲已之累譬之良玉一有微

疵卽爲棄物不能成器矣他日復命毅同楊訓文集古無道之

君若夏桀商紂秦皇隋煬所行之事以進曰往古人君所爲善

惡皆可以爲龜鑑吾所以觀此者正欲知喪亂之由以爲之戒

耳又命毅與宋濂等日侍左右甚見眷遇吳元年以湖廣重地  
陞按察使尋以唐宋咸有成律斷獄惟允不做古制取一時行  
事爲條格吏胥易緣爲奸民無措手足命毅同省臺李善長劉  
基陶安周禎等定爲律令將成法付按察司官巡歷州縣使內  
外知所遵守面諭善長等曰立法貴在簡易使人易曉若條緒  
繁多或一事而兩平可輕可重奸貪之吏得以夤緣爲奸則以  
禁殘暴者反以賊良善非良法也卿等宜盡心參究凡刑名科  
目日逐上來吾與卿等面議斟酌庶可以爲久遠之法毅等務  
存寬大民多宜之洪武元年陞吏部尚書六卿初制一切選除  
考課之政令毅同省臺裁定二年出爲江西省叅知政事後卒

於官

商曷字

山東定陶縣人故元平章丙午七月橫廓帖木兒

以張良弼拒命率兵渡河會曷約李思齊攻良弼不利請下詔  
和解之洪武二年王師平定中原降大將中山王徐達送至  
京上察其朴實留置左右本年命署吏部事三年擢侍御史  
六年陞御史中丞詳中丞并太僕卿

張銘善字

人洪武三年拜禮部侍郎尋試吏部

尚書本年免

王興福字時興以字行湖廣德安府應山縣人元末兵亂隱黃  
新之間已巳太祖敗偽漢陳友諒於鄱陽時興福單舸赴之

以精於推擇 上大悅擢知徽州丙午以善政改知杭州俱有  
惠及於民洪武三年擢吏部尚書本年謫知西安府十四年爲  
刑部尚書詳國初戶部

郎本中字

人洪武三年擢刑部尚書本年十

二月改吏部尚書四年免

陳修字伯昂江西廣信府上饒人元末甲辰歲附 王師平浙

江酋權理官講畫律令崇寬厚而省煩苛復倫要而黜姑息簡  
明正大四方翕然知有一統之制作由此始焉繼又謂兵刑之  
大者也唐世府兵之制稍爲近古而未精密乃擢兵部郎中修  
選任將帥愛養士卒令內外相繼兵農相資遂爲萬世法 太

祖初卽位山東新下念濟南重經王氏之亂民塗炭已甚大將多練兵屯田其間非修莫可治遂擢濟南知府居二年政成太祖嘉之以天官六曹之長而明習經制建官均職惟修是宜擢拜吏部尚書修引據古典參酌時宜審地劇易制事煩簡與凡貴賤疎數遠近寬嚴課功覈實賞賜黜陟之類皆籌畫停當未幾卒於位繼之者莫能移易云宣宗采其事載在五倫書

李仁字

河南南陽府唐縣人元末兵起仕僞漢陳友諒爲

招討使癸卯年王師下武昌率衆歸附大將常遇春奇其智畧薦於太祖特授黃州刺史招撫叛亡及未下州縣各聞風納款令代陶安鎮守凡六年民皆樂業洪武三年詔爲給事中尋

進吏部侍郎與陳修同秉銓政四年陞試本部尚書本年坐事  
謫青州知府在郡多善政八年召補戶部侍郎詳國初戶部

詹同字同文舊名書直隸徽州府婺源縣人生而穎靈獨抱奇  
氣元學士虞集以其弟槃之子妻之至正中舉茂才異等授柳  
州學正遇亂道梗因家黃州陳友諒徵爲學士承旨兼御史

高皇帝平陳首召爲國子博士易其名曰同尋陞考功郎中未幾  
以爲侍制起居注丙午年四月命有司求遺書 上謂同曰三  
皇五帝之書不盡傳於世故後世鮮知其行事漢武帝購求遺  
書六經始出唐虞三代之治始可得見武帝雄才大略後世罕  
及表章六經開闢帝皇之學又有功於後世吾每於宮中無事

輒取孔子之言觀之如節用而愛人使民以時真治國之良規  
誠萬世之師也遂命於宗廟時享禮吳元年四月 上諭同曰  
國史貴乎直筆是非善惡皆當書之昔唐太宗觀史雖失大體  
然命直書建成之事是欲以公示天下也予平日言行可紀其  
事是非善惡汝等皆當明白直書勿宜隱諱使後世觀之不失  
其實也洪武元年四月命畫古孝行及起家戰伐歷世愁苦爲  
圖以垂世訓 上謂同曰朕家本業農祖父皆長者世承忠厚  
積善餘慶以及於朕今圖茲以貽子孫俾知王業艱難也同對  
曰 陛下昭德垂訓莫此爲甚 上曰富貴易驕艱難易忽久  
遠易忘後世子孫生長深宮惟見富貴習於奢侈不知祖宗積



累之艱故示之俾朝夕覽觀庶有所警也是年十二月以同爲直學士二年三月陞侍讀學士會中丞劉基疏請加禮大臣同因取戴記及賈誼疏以進且復開說剴切上深納之又諭同曰古人爲文章或以明道德或以通當世之務典謨之言明白易知無深怪險僻之語至如諸葛出師表亦何嘗雕琢爲文而誠意溢出使人讀之自然忠義感激近世文士不究道德之本不達當世之務立辭雖艱深而意實淺近即使過於司馬相如楊雄何裨實用自今翰林爲文但爲通道理明世務者無事浮藻四年乃陟爲吏部尚書上諭曰吏部者衡鑑之司鑑明則物之妍媸無所遁衡平則物之輕重得其當蓋政事之得失在

庶官任官之賢否在吏部任得其人則政理民安任非其人則  
瘵官曠職卿等居銓衡之任宜任公平以別賢否六年七月以  
同爲學士承旨兼吏部尚書 上御奉天門謂同曰論行事於  
目前不若鑒之於往舊卿儒者試言古先帝王爲治之道同對  
曰帝王之治莫善於唐虞三代可爲萬世法 上曰三代而上  
治本於心三代而下治由乎法本於心者道德仁義其用爲無  
窮由乎法者權謀術數其用有時而窮然爲治者違乎道德仁  
義必入於權謀術數甚矣擇術不可不慎也八月同與侍講學  
士樂韶鳳等上所製釋奠先師孔子樂章迎神奏咸和之曲奠  
帛奏寧和之曲初獻奏安和之曲亞獻終獻奏景和之曲徹饌

奏成和之曲送神復奏咸和之曲 上曰祭貴乎誠若省牲告  
充告牘及禮之煩文者並宜革之九月同等上言自 上起兵  
渡江以來征討平定之蹟禮樂治道之詳雖有紀載而未成書  
乞編日曆藏之金匱傳於後世 上從其請命與侍講學士宋  
濂爲總裁官 九月詔科舉暫且停罷令有司察舉賢才必以  
德行爲本文藝次之仍令同選國子成材者與所舉叅用授主  
事給事中御史等官時用彭通等爲給事中并國子生李擴等  
入文華武英二堂謂之小秀才七年五月丙寅 皇明實訓垂  
成同以老乞歸 上賜勅曰朕起布衣持三尺劍總率六師以  
拯民艱延攬英雄以圖至治凡二紀於茲曩者親征武昌下城

之日爾同以文學之美從朕同遊厥後任博士起居注學士等  
舉其職又長吏部辨人才之賢否審職任之輕重咸得其宜今  
年雖邁猶輸誠效謀迄無少怠可謂賢也已朕不忍以爾老年  
復役奔走特命以翰林學士致仕爾惟欽哉未幾復起爲學士  
承旨六月上謂同曰太祀既終獻方行分獻禮於禮未嘗卿等  
具議之於是同與學士宋濂議以 上行初獻禮奠玉帛將畢  
卽分獻官行禮初獻亞獻終獻皆如之 上從其議又謂古人  
祭用香燭皆所以道達陰陽以接神明初無上香之禮遂定凡  
祭祀罷上香復以老乞休卒於家所著有天衢吟嘯及海涓集  
子微爲左都御史兼太子少保吏部尚書以事坐廢微子祓爲

太子洗馬改尚寶司丞

吾學編曰七年五月大明日曆成自 上起兵臨濠至六年癸

丑冬十二月凡征伐次第禮樂沿革刑政設施羣臣功過四夷

朝貢之類莫不具載爲一百卷藏金匱副在秘書監公及宋訥

又言日曆藏之天府人欲見之有不可得臣請如唐太宗貞觀

政要分類更輯聖政爲書以傳天下後世 上從之分四十類

自敬天至制蠻夷凡五卷名皇明寶訓自今凡有聖政史官日

紀錄之隨類增

全守道字

人故元河南守將吳元年大將徐達

「原守道率城歸附館之會同館其歷官不知其詳洪武四

年命守道與詹同並拜吏部尚書 上諭曰本部其衡鑑之司  
政事得失在庶官庶官賢否在吏部任得其人則政理民安任  
非其人則瘵官曠職卿等居持衡秉鑑之任宜任公平以辨賢  
否毋但庸庸碌碌而已本年免

朱斌字

人洪武五年拜吏部尚書協詹同理部

事本年免

周時中原姓彭江西吉安府龍泉縣人元季從彭瑩玉起兵敗  
姓彭復從徐壽輝稱平章以兵守吉之龍泉庚子歲陳友諒弑  
主僭號都九江時中屬焉授官平章辛丑八月 上帥師討友  
諒拔僞都友諒奔武昌時建昌王溥饒州吳宏龍興胡廷瑞見

九江已破相繼納款壬寅正月

上至龍興袁州歐普祥亦附

時中知天命有在遂舉城請降

上嘉其誠俾仍舊職守龍興

加兵權預征討上嘗問時中舊所將兵多少對曰昔聚則爲軍

今散爲民矣又問熊天瑞何如曰彼兵本強嘗約陳氏攻江西

而不以兵應之致陳氏之敗其人不忠他日必叛甲辰從征武

昌是年常遇春征贛州熊天瑞固守不下上命時中統兵會

遇春等共擊之時中乃戒指揮鄧清等嚴督所部同平章歐平

廣等軍自吉安以南山寨併力掃蕩盡絕直抵贛州上復命

郎中汪廣洋往諭遇春時中等曰天瑞困守孤城猶籠禽阱獸

豈能逃逸但恐城破之日殺傷過當要當以保全生民爲心一

則可以爲國家用一則可以爲未附者勸如漢將鄧禹不妄誅  
殺此可爲法我前克湖廣禁軍士毋入城故能全一郡之民苟  
得郡無民何益時天瑞拒守益堅遇春時中等承諭乃浚濠立  
柵以困之未幾城降歷授管田使司改司農署不就改中書斷  
事洪武元年運糧開封還授邵武知府時郡承元李民皆流離  
時中撫馴安集使各遂其生民愛慕之五年遙拜吏部尚書命  
招集舊部軍卒本年坐事出知鎮江府以埋沒錢糧調福建轉  
運使十三年又坐事除爲民

趙學堅字

人洪武五年拜吏部尚書協詹同理

部事六月命發粟往山東高唐濮州及聊城等五縣賑饑本年



免九年起廣東行省叅政尋改布政使十一年七月遣資詔諭故元丞相驢兒於應昌後卒於官

呂本字

直隸鳳陽府壽州人故元元帥府都事丙午年歸

附授中書掾史吳元年陞湖廣行省照磨洪武三年陞中書省右司郎中四年陞本省左司郎中五年陞刑部侍郎本年陞吏部尚書六年改太常卿詳太常寺

吳琳字

湖廣黃州府黃岡縣人世詩禮名家父應澍勤儉

好施教授里墟中稱四山先生琳性資純篤力問學通毛詩小戴記甲辰年王師下武昌徵用荆楚名儒詹同薦琳通經學古能文章召爲國子監助教與同並教胄子琳才藻不及同至將

確經義疊疊不倦同又曰我不及琳遠甚 上聽政暇時召琳  
咨時事輒進嘉言天下陰受其賜吳元年遷浙江按察司僉事  
尋陞兩淮運同皆効職有才名本年入爲起居注獻納益勤洪  
武四年陞太常寺卿本年進兵部尚書八月京闈鄉試有司以  
主文請 上思琳優經學命與司業宋濂典試事十月具奏京  
師將士之數凡二十萬七千八百二十五人各定衛所五年五  
月丁巳有事於方丘 上命琳與禮部主事宋濂選文學能賦  
之士以從琳選學士夏閱等從 車駕人皆稱爲盛典六年改  
吏部尚書誥詞稱琳學術旣醇踐歷尤正其來事朕博士陞僉  
憲司二鹽臺起居注皆稱任使茲擢長天官其量才授官計考

功能使賢愚有別而黜陟合宜斯副朕意琳旣入吏部與詹同  
迭視事七年以老致仕旣家居 上嘗遣使察之使潛至琳旁  
舍見一農人坐小机起拔稻秧布田貌甚端謹使者問曰此有  
吳尚書家何在其人尚在否農人歛手對曰琳是也使者還白  
上益重之弟琛歷衢州同知卓有政聲

王克巳字 山西太原府壽陽縣人博通經史洪武初以文  
學辟除戶部主事在部潔已不淄慎出納善於其職七年陞試  
吏部尚書本年以疾乞致仕

盛原輔字 人吳元年擢承事郎監察御史本  
年修大明律令命原輔爲議律官陞大理寺少卿洪武元年陞

刑部侍郎本年調山東行省叅政七年陞吏部尚書八年命原  
輔同丞相往國子學考校老成端正學博經通者分教天下除  
教授學正敎諭等官本年以事免

呂熙字

人洪武八年拜吏部尚書本年免

趙好德字秉彝河南汝寧府汝陽縣人幼警敏有經濟志早失  
怙恃刻苦力學能文章善大書娶李氏有淑行會元末汝穎兵  
起郡縣多陷沒好德謂李氏曰我觀元運將訖豪傑並爭東南  
有天子氣欲往從之但汝有孕將婉如是男可名太平他日尋  
我若是女聽汝便遂灑泣以別自和陽渡江達金陵見太祖  
語合洪武元年以儒士命同知陝州事尋以安慶爲江淮保障

遂陞知府時草創之初修理公宇均定賦役民咸便之五年陞  
戶部侍郎六年陞戶部尚書七年出爲陝西叅政八年召爲吏  
部尚書九年二月奏准諸司正佐首領雜職官犯公私罪該笞  
者贖罪杖流者紀錄每歲考歲終布政司呈中書省監察御史  
按察司呈御史臺送吏部紀錄以便稽考九年仍調陝西行省  
叅政後卒於官好德在吏部公銓衡甚稱上意嘗召與四輔  
官內黃何顯周等至內殿坐論治道太祖悅各賜衣一襲命  
畫史圖其像十三年胡惟庸敗一時被累者皆正典刑太祖  
獨宥之故得以善終云

王敏字

人洪武九年拜吏部尚書十一年免

陳銘字

人洪武十一年拜吏部尚書十二年免

張度字景儀廣東廣州府增城縣人故元教諭遭亂棄官不出  
洪武元年詔選賢能擢監察御史度英發敢言多附名節而心  
險刻人畏憚之八年正月建議立張巡許遠廟于歸德州歲時  
致祭太祖嘉納命有司行之先是蘇州知府魏觀以舊治爲  
士誠竊據且郡多水患乃修府浚河以壯士觀以資民利度誣  
其興旣滅之基遂與高啓等俱獲罪上以爲能授常州府知  
府度好學條舉選法不當者數十事皆允行能文治政暇每進  
郡人俾知向學文風勃然興起九年事聞上特召爲吏部侍  
郎十一年十月河間府知府楊冀安來朝上命度同尚書陳

銘曰考績之法所以旌別賢否以示勸懲今官員來朝宜察其言行考其功能課其殿最第三等稱職而無過者爲上賜坐而宴有過而稱職爲中宴而不坐有過而不稱職者爲下不與宴序立於間宴者出然後退庶使有司知所激勸十二年陞本部尚書奏准兩廣所屬地方有瘴癘者有司俱以三年陞調雖以兩廣而無瘴癘者仍以九年爲限福建汀漳湖廣郴州江西龍州南安遠地亦瘴癘歷任三年一體陞任本年以違悞憤惋卒於官

陳昱卽程昱字

人洪武初舉人才除戶部員外

鄧十一年陞戶部右侍郎十二年陞吏部試尚書本年十月奏

准内外文武官老年致仕者三品已上仍舊四品以下各降一級給與誥勅其歷年未及三年爲事降用或工役屯種取到者依本等職事致仕不給誥勅後又奉命年六十以上者皆給誥勅處鄉黨惟於族内序尊卑如家人禮於其外祖及妻家亦序尊卑若筵宴則設別席不許坐於無官者之下如與同姓致仕官會則序爵爵同則序齒其與異姓無官者相見不須答禮庶民以禮官謁見敢有凌侮者論如律十三年坐事免

契斯字

應天府溧陽縣人故元嘉定州知州來附上師吳

元年授兵部員外郎本年擢尚寶符寶郎洪武元年遣賚書賜高麗二年高麗遣使上表來貢方物遣斯賚印封之改尚寶司



丞仍以祝文牲幣祭其境內山川詔曰朕肇膺正統誕撫多方  
乃眷爾高麗張朝鮮之遺壤克遵中夏踰渤海而稱臣頃詔使  
往廻卽表詞之來上有加方物良切衷情蓋由夙慕於華風用  
是恪修於臣職况爾三韓之屢世皆慎始終屬茲四海之一家  
何殊內外爰稽彝制載錫真封今遣某官齎印仍封爾爲高麗  
國王於戲保民社而王纂榮懷於舊物守禮義之國作并翰於  
東藩其始自今毋替朕命故茲詔示想宜知悉使回稱旨日侍  
左右四年出知泰安州六年陞河間府知府俱以才幹著而民  
亦不擾九年入爲戶部郎中尋陞戶部尚書本年調山西左叅  
政十三年正月召拜吏部尚書二月改禮部尚書三月詔定公

侯稱號詳國初禮部

劉崧字子高江西吉安府泰和縣人舊名楚元季鄉舉入國初  
改今名崧賦性純厚穎悟絕人又仁孝五歲誦書日記數千言  
七歲能賦詩嘗侍世父夜寢聞雞聲因命爲題卽應口成一律  
末句喚醒人間蝴蝶夢起看天上火龍飛世父驚嘆是子他日  
必大用家貧無火執筆作文手爲皸裂而力學不廢年十六授  
徒他邑十九遊南昌時善賦者稱十才子見崧制作推讓爲先  
列行省嘗以薦授龍溪山長崧曰吾無勞於國而有恩命吾不  
爲也至正丙辰應鄉試報捷者至崧適自田中摘粟歸悵然泣  
下曰始二親篤於訓子奈何今日不及見時天下大亂州城陷

家覆蕩避地屢歲無以爲生會 皇明開基四方以次平定洪武三年以經明行修薦召見奉天殿授兵部職方司郎中小心謹畏歷署駕部總部事奉命鎮江徵糧鎮江多公侯田土往往掣肘崧歸奏之得旨令輸納與民不異未幾命往廣東買馬得五百八十四匹又明年往山東視驛遞萊州視遭風海船時天寒冰凍衝冒風雪跋涉水陸凡四閱月以訖事聞在兵部幾三載以振職稱嘗祭方丘崧與吳琳宋濂侍從應制賦詩甚見嘉六年陞北平按察司副使尤持憲綱靜以臨之考覈屬官以廉慎爲先讞獄必求其生而不得乃置之法受罰者亦自爲當罪而亦不怨作興學校刻石立禮部學規榜示府縣勿以差爲

諸生而廢學考問風俗立宋忠臣文天祥祠於大興縣學之側  
以宛平驛事煩馬少遂損僻路分添設走遞及設法關防賣鹽  
退引禁治影射私鹽爲政裁畫有方民甚賴之十年考績入朝  
時更定外官九年爲滿勅諭還任未幾坐事輸作京師尋放  
歸鄉十三年春徵拜禮部侍郎賜之詔有學通古今之褒旣拜  
命日稽古典惟直惟清上嘉之以其文學雅正勅撰滕國公  
顧時海國公吳禎神道碑及撰申國公鄧鎮襲封詔宋學士景  
濂嘗觀其文嘆曰此司馬遷之文求之今世蓋未過之者而文  
於詩則尤所推讓夏四月命攝吏部尚書時侍郎陸讓以察爲  
明松一處以寬銓次不苟藻鑑不失五月甲午雷震奉天殿

上謂崧等曰朕自卽位以來十有三載夙夜兢業不敢怠荒惟恐治不古若聞者上天有警朕心不安此必朕有失德事政有乖卿等宜悉陳朕得失毋有所隱崧等頓首曰人君一身上通乎天災咎之至惟修德行仁可以弭之陛下遇災能懼省躬思過復開導臣等盡言臣聞惟德動天無遠弗届能修人事此所以消天災也上曰唐虞之時君臣更相戒勅卿等輔朕當以古人爲法盡心無怠尋以老乞休許之賜以勅諭曰君子之生也莫不由父母之賢師友之訓以成其才及其壯也則推而行之以致君垂拱利澤羣生斯仲尼之道君子之志也卿學問該博踐履篤實負成已成物之器備剴繁治劇之才正宜佐朕以

理天下奈何年齒衰耄難於步趨故不忍復煩以政特賜致仕卿其去朝歸於鄉里宜慎所養以樂餘年十四年三月徵拜國子司業賜鞍馬令朝夕繼見見則必燕語移時夏四月得疾遽卒上悲悼因言劉崧前日徵來朕怪其年老命教國子將以作養我公侯子弟以待用豈意其至此哉卽命有司治殯歛諸費皆官給遣御史唐壽論祭其文首曰卿有學有行蓋簡在聖心非一日矣崧家素貧所居室弊半覆以茅嘗欲更之未能曰今後世師吾儉家有田五十畝皆館授時所遺後居官未嘗有增益在北平身所覆被亦館授時物也嘗爲人所傷斃命更置其鼠傷者仍命補葺以衣其子歷官十一年未嘗以家累自隨

嘗携一童子到官亦遣還當赴北平時始盡支職方之俸廩易白金九十兩封托鄉人收貯及歸往取則其人已用之止餘封紙而已松亦不復問平生手筆子史醫卜地理等書六十帙北平八府誌書三十帙北平事蹟一帙詩文三十餘帙撫職方詩集行于世

洪燧字

人洪武十三年拜吏部尚書本年免

范敏字

河南濟南府閿鄉縣人洪武八年舉秀才性聰慧

博涉書史其前履歷不知其詳十三年擢試吏部尚書自丞相胡惟庸不法之後特召天下賢才有司類多泛舉敏薦王本李祐龔敦杜教趙民望等俱耆老經明行修上召拜王本等為

四輔官王本等又薦儒士宋調等並徵用之一時號稱得人本年實授戶部尚書國初戶部

阮峻字

浙江杭州府仁和縣人故元教官丙午年赴京洪

武三年舉文學授太常寺贊禮郎五年陞本寺博士六年陞本寺寺丞本年閏十一月峻同給事中侍武樓下上諭峻曰如

冷大祀園丘省牲時只在宰牲池邊將牲放在南邊一箇就捧將入去今後各處祭祀時都在宰牲池邊省牲八年二月上諭峻等曰我想先農只是上古一箇種田的人今後祭先農時百官都致齋那當祭日子教應天府官率耆老并種田的老人去祭祭畢我率百官到那田所依前親畊十年七月峻同少卿



樂禮導駕於太廟前御道上上諭曰今後祭祀時供事官并進饌齋郎直至丹陛下脫履陞殿恁太常司家教人收管看履輦十二年陞太常寺少卿十三年陞吏部尚書時賢良方正聰明正直孝弟力田等科並用峻因材授任多稱上旨會復置起居注薦儒士單師祐爲之祐學行不失其選十四年以事免

李信字三山山西平陽府浮山縣人洪武中爲縣掾有才幹十四年上詔立賢無方各薦所知郡守舉信爲能吏上欲試其才授試吏部侍郎信敏練識事體能振其職十五年正月署部事奏令朝覲官各舉所知上嘉納之三月陞吏部尚書五

月以經明行修之士鄭韜等三千七百餘人引見上諭之曰  
朕自卽位以來側席賢士與圖致治然知人堯舜所難豈所知  
者皆賢未知者無賢哉故勅天下徵聘遺逸卿等固皆賢人君  
子山林之下又豈無如卿者其悉舉以爲朕用於是濟寧單縣  
儒士張以寧董倫等被薦復遣徵之仍賜韜等鈔人一錠十六  
年三月信同李善長定議文官封贈廕序之制封贈例十一文  
官一品至七品止封贈散官事其應封一代者父與子同妻與  
夫貴應封二代者祖降父一級應封三代者曾祖降一級父兄  
任者不封已致仕及沒亾者封之其在任棄職受封者聽其二  
應封父母者嫡母在所生之母不得封嫡母亾並得封若所生

母未封不得先封其妻其三父母有二子當封者從其高品婦人因其子受封而夫與子兩有官當封者從其高品父祖原有官既歿而因其子孫封贈者進一階其四應封妻者止封正妻亦得追封凡繼室止封一人其五命婦因子孫品級封者並加太字若已歿曾祖父母在者不加其六從七品陞至從六品止封一次其陞至從五品封贈一次陞至正從四品封贈一次陞至正從三品封贈一次陞至正從二品封贈一次陞至正從一品封贈一次其七曾祖父母祖父母曾犯十惡奸盜除名等罪其妻非禮聘正妻或再醮及娼優婢妾並不許申請其封贈之後但犯賊私者並追奪其九凡婦因夫貴母因子貴受封不許

再醮違者問之如律其十京官四品以上賜職實授頒給誥命  
取自上裁其已授誥命者亦須一考滿秩方許封贈五品以下  
官試職一年考覈稱職者實授頒給誥命不稱職黜降其已授  
誥命勅者亦須一考方許封贈其十一凡在外三年爲一考稱  
職者頒給誥命再考稱職聽請封贈其有才能卓異出自特恩  
者不在此例廕序之例五其一因廕其嫡長子歿疾則嫡長之  
子孫以逮曾玄無則嫡長之同母弟以逮曾玄又無則繼室諸  
妾所生者又無傍廕其親兄弟子孫又無傍廕伯叔子孫其二  
廕者係降子曾孫降孫傍廕者皆於廕序品第降二級其三正  
一品官廕其子正五品用從一品子則從五品用正二品子則

正六品用從二品則從六品用正三品子則正七品用從三品則從七品用正四品子則正八品用從四品則從八品用正五品子則正九品用從五品則從九品用正六品子則於未入流上等叙用如典史巡檢司獄比從六品子則未入流中等職叙用及各庫倉稅糧課司局批驗鐵冶所官之類正從七品子則於未入流下等雜職內叙用如遞運驛丞閘壩官之類其四凡係職官子孫許廕一人年二十五以上能通經書大義者叙用其不通者發還習學其五應叙之人各於原籍附近布政使司所屬地方銓選 詔皆從之本年以疾卒于官

陳敬字行簡河南河南府洛陽縣人敦實有行誼洪武元年以

薦舉授本府儒學訓導三年拜起居注六月詔江南富民至京  
引至大廷 太祖親諭之敬同儒臣宋濂詹同王禕奏事畢賜  
坐從容問曰卿等知朕所以諭斯民之意乎王禕對曰自古帝  
王身兼君師之任君以治民師以教之三代而下爲人君者知  
爲治不知爲教今 陛下主天下爲治之道已備而又集凡民  
訓諭之耳提面命不啻嚴師之於子弟此古昔帝王教民之意  
也 上喜溢天顏因刻爲書以摹本分賜敬等而退未幾乞回  
鄉從之十六年刑部尚書開濟薦敬才行可大任召爲考功郎  
中尋試吏部尚書亦能其官本年開濟伏罪敬坐累免後起爲  
龍川知縣二十三年詣闕言事稱旨進吏部侍郎二十六年致

仕

任昂字

河南開封府河陰縣人博覽羣書早有才譽故元

舉進士拜山西寧晉縣知縣不受隱居山林日以經史自娛洪武初年以儒士薦舉授襄垣學訓導雅志作人多所成就十一年擢監察御史十五年陞禮部尚書十六年正月上命昂同太師李善長及諫院翰林院等官往監考教官生員高下分列班次規矩方煥然明備於是奸弊盡革增立監規八條三月廣東都指揮使狄崇王臻言妣阮氏昔封淑人已歿仍乞封次妻何氏等爲淑人詔下廷臣議昂同李善長議曰禮莫大於分分莫大於名妾不可爲嫡夫人故魯莊公妾成風僖公母也稱爲

夫人春秋非之哀公庶子荆之母嬖將立爲夫人使宗人暨夏  
獻其禮對曰無之昔周公武公娶於薛魯惠娶於商自桓以下  
娶於齊此禮則有若以妾爲夫人則古無其禮蓋古者夫人歿  
貴妾稱其家事不得稱爲夫人爲庶子而貴得以推恩其母亦  
不得稱夫人使並嫡也今崇臻欲任私意廢大禮亂嫡妾之分  
不可許 上從之遂命昂及翰林院儒士定嫡妾封贈例頒示  
中外於是定議凡正妻在日所娶側室皆謂之妾正妻歿諸妾  
不許再立爲妻若以禮聘良家女爲妻許授封贈前妻無子其  
所生子卽爲嫡長子若正妻在日無子不許再娶而諸妾中有  
子者以長男襲父職其子以本品推恩其母俱從之十七年二



月奉命頒行科舉成式凡三年大比子午卯酉鄉試辰戌丑未  
會試不拘額數三月濟南衛指揮使何誠言早失父母伯父養  
以爲嗣例應承重而所生父母已前受封伏乞推恩伯父以報  
養育之恩事下禮部議昂援宋右僕射李昉爲叔承重旣贈其  
叔復贈其所生爲言 上命依所請六月 上諭昂等曰近命  
製大成樂器將以頒天下學校俾諸生習之以祀孔子朕思古  
人之樂所以防民欲後世之樂所以縱民欲其故何也古樂之  
詩章平而正後世之歌詞淫以誇古之律呂協天地自然之氣  
後世之律呂出人爲智巧之私天時與地氣不審人聲與樂音  
不比故雖以古之詩章用古之器數亦乖戾而不合陵犯而不

倫矣手擊之而不得於心口歌之而非出於志人與樂判然爲  
二而欲以動天地感鬼神豈不難哉然其流已久救之甚難卿  
等宜求諸此俾樂成而頒之諸生得以肄習庶幾可以復古人  
之意是年甲子初科監生首舉且中式者過半 上喜甚面諭  
祭酒宋訥以爲教導之功九月十三日昂侍華蓋殿 上諭昂  
曰在京鄉試多有取中的國子監生爲他肯學所以取中似這  
等生員好生光顯他父母恁禮部出榜於原籍張掛着他鄉里  
知道自是科舉之途始重矣本年命署吏部事 上諭昂曰凡  
文官居憂制已在職五年廉勤無贓私過犯者照品給半祿終  
制在職三年者給全祿三月未幾以年老致仕見南京禮部

余燦字茂本直隸蘇州府崑山縣人美丰姿少有雋才從殷奎  
陳潛夫學得春秋之傳洪武十年以明經薦入京選授承 勅  
郎十五年進通政司叅議十七年拜吏部尚書八月奏准天下  
諸司來朝明年正旦各造事蹟文冊仍畫地土人民圖俱以十  
二月二十五日至京其服色各以品級爲差惟雲南遠在邊圖  
特免其來又立吏員撥用法試中一二等者於在京出身衙門  
內用三等者於在京未有品級衙門內用遇缺以次撥用仍出  
榜示夏四月丁酉祭酒宋訥教範嚴厲爲衆所嫉學錄金文徵  
與燦同鄉里謀逐之以訥年老移文令致仕訥陛辭 上驚問  
故訥曰非臣本意乃鞠所由燦吐實 上怒燦事專擅威福并

文徵等誅之

趙瑁字

河南河南府宜陽縣人喜讀書博學洽聞洪武八

年舉儒士任河南府學訓導歷廣東瓊州府知府宿弊頓革吏民畏服未幾坐事免十六年九月起左春坊左諭德本年十月陞禮部尚書十八年五月遷吏部尚書本年以前任禮部盜官糧事發伏誅

詹徽字資善直隸徽州府婺源縣人吏部尚書同之子徽有才智見事敏決十三年以薦舉擢監察御史十六年陞都察院左僉都御史本院自十四年改御史臺爲都察院正七品衙門革中丞等官止設察院御史至是陞正三品設左右僉都御史

首膺簡命性嚴厲不以色假人善持風紀 上嘉之特賜徽與  
禮部侍郎朱同左通政蔡瑄等十二人襲衣十七年正月陞都  
察院正二品定設左右都御史并左右副僉都御史及經歷都  
事十三道御史專糾劾有司辯明冤枉提督各道一應不法事  
務特陞徽爲左都御史徽持憲類務苛刻諸司凜凜不敢犯十  
八年六月吏部尚書趙瑁伏誅命徽兼吏部尚書十九年夏四  
月奏用監生十四人皆爲六品以下官 上諭之曰事君之道  
惟盡忠不欺治民之道惟至公無私凡一郡一邑之民必有饑  
寒不得其所者有獄訟冤抑者有賢才不舉者有豪猾蠹民者  
汝等到任時能不爲私欲所蔽人言所惑則方寸自明而諸弊

可息一牽於私欲而惑於人言則其如坐暗室饑寒者無由獲  
濟冤抑者無由申理賢才壅閉奸猾縱橫則爲廢職矣古人有  
言人始入官如入暗室久而方明明乃治矣汝等切記毋爲蔽  
惑也五月 上以天下郡縣多吏弊民蠹皆由雜流得爲牧民  
官乃命同祭酒司業擇監生千餘人送吏部除授知州知縣等  
職六月設勘合字號初授官員皆給勘合到任至是革之其  
行取官員及查理事務等項則仍用勘合廣西雲南浙江湖廣  
廣東江西則用子丑寅卯辰巳字山西山東河南貴州陝西福  
建則用午未申酉戌亥字滁徽蘇州鳳陽楊州松江淮安太平  
寧國常州安慶則用角亢氏房心尾箕斗牛女虛字應天鎮江

廣德池州廬州和州徐州永平保定河間順天真定大名廣平  
順德隆慶保安則用危室壁奎婁胃昂畢觜參井鬼柳星張翼  
軫字七月 上以徽在職公勤詔有司復其家二十年十月

上以北方學校無名師生徒廢學命徽選南方學官有學行者教  
之增廣生員不拘額數二十四年四月奏言監生劉肅已除靖  
州衛知事未任欲奔祖父喪而有父在况祖父母伯叔及兄服  
俱暮年若一一奔喪守制或一人有五六期喪或往返有八九  
千里又兼因濟其私非特曠官悞事抑且有乖禮制難從其請  
上命六部都察院通政司等官會議甲戌議上除父母及祖父母  
丁憂承重外其餘暮年服制俱不許奔喪但遣人致祭如擅自

離職還家拿問如律從之九月 上諭徽與禮部左侍郎張衡

曰有司供宴擾民今後支與官鈔布政司一千貫以下有差十  
月徽等同衡奏行凡遇正旦 聖節冬至公宴錢於本處官錢  
內支給無府州縣都司衛所移附近有司關用每節布政司一  
千貫在城都司衛所附郭大小衙門官吏師生并耆民俱赴本  
司筵宴府有都司七百貫以下各有差州有衛五百貫縣有衛  
四百貫以下有差無有司衙門衛四百貫所一百五十貫二十  
五年加太子少保支兼俸二十六年議立教官考滿法凡天下  
府學額設生員四十名州三十名縣二十名教授學正教諭凡  
年之內府生員取中九名州中六名縣中三名又考通經者爲



平常平等用若府生員取中不及四名州不及三名縣不及二名考又不通經者不稱職出降別用其訓導分教生員一十名九年内取中三名又考通經者陞教諭若中二名或一名者又通經仍充訓導若科舉生員全無又考不通經者降出別用二月涼國公藍玉以謀反下獄上集羣臣廷鞫未服徽叱令具實玉因奏微爲黨與侍郎傅友文伏誅微行事剛果人不敢犯但懷傾險之性陷韓國以大獄及解縉草諫書達韓國事欲中以危法其及重禍固宜

翟善字敬夫直隸揚州府泰興縣人洪武中由歲貢入國子監授吏部文選主事二十年歷本司員外郎二十六年吏部尚書

詹微侍郎傳友文伏誅命善署本部事善於其職稱上旨特  
陞吏部侍郎仍署尚書事會上以諸司職有崇卑政有大小  
無方冊以著成法恐後之蒞官者罔知職任政事施設之詳乃  
命善同翰林儒臣倣唐六典之制自五府六部都察院以下諸  
司凡有設官分職之類務編爲書名曰諸司職掌詔刻行頒  
布中外五月奏准各衙門吏三年役滿於本衙門見缺令史書  
吏內陞用再役三年給由赴京如有餘吏送赴吏部不許一槩  
縣陞於州州陞於府府陞於布政司等衙門及王府長史司託  
故不給由者治罪其各處布按承差奏准以能幹人員選取三  
年考滿役日無私過於雜職內叙用有私過者則充吏十月詔

祭酒胡季安選監生年三十以上能文章者三百四十一人命  
善除授教諭等官二十八年實授吏部尚書一日上諭學臣  
曰善雖年少字量宏闊他莫能侔也善明於經濟凡所奏議允  
合上心上曰朕有良佐何患天下不治上欲命工部爲善  
營第於泰興善曰江鄉地隘宗親且衆誠不忍奪人以自益也  
况未報涓埃何敢當此上語羣臣曰有官居鼎鼐無地起樓  
臺善與寇準同風矣善家成第上欲免之善曰成卒宜增豈  
可以臣破例上曰善可謂忠愛臣矣二十九年正月以事免  
杜澤字子山東青州府沂水縣人洪武中以文學授沂水縣  
學訓導二十年侍臣薦其行修召陞司經局試校書二十

五年改詹事院爲府設詹事少詹府丞等官輔導東宮侍從講讀每進畢時凡 帝發落過五府軍政六部緊要事務及撫字四夷恩意大經大法皆得與聞進澤詹事府丞澤朴實持重言動不踰禮 上嘉之於二十九年正月特陞吏部尚書首定朝覲之制以辰戌丑未年爲期朝正後吏部會同都察院考入覲官員奏請定奪其存留者俱引至御前刑部及科道各露章糾劾怠職之罪一時譴責宥免皆出 上命及宥免還任各一賜勅一道以申飭戒其已往一歲一朝之制俱革三月賜高麗布一疋會學正吳啓言國子師生例以文學優劣分隸六堂邇來皆無甄別高下不分無以激勸宜考第如例 上令魏國公徐

輝祖及禮部翰林院官同詣監考試仍令澤以次錄用毋使淹滯三十年正月奏定考覈等第先是洪武初在京官三年一調用二十九年始以九年爲滿至是定官員等第勤慎者仍治其事實授在任三年才力不逮者奏請降黜其各王府官與護衛首領官例不考覈三月 上令澤再試寄監下第舉人中式者次其等第授教授教諭訓導其不中者則除州吏目三十一年正月定考覈府縣首領官法先是各府州縣首領在任三年及九年考滿考不稱職者發充吏役至此乃令首領官不分在任淺深但不稱職俱發充吏三月續定吏員出身皆以九年考滿出身或在京兩考在外一考或在京一考在外兩考一品二品

衙門提控都吏從七品出身掾吏令吏典吏并內府衙門吏正八品出身三品衙門令吏從八品出身典吏正九品出身四品衙門司吏正九品出身四品衙門典吏五品衙門司吏典吏書吏俱從九品出身六品至九品雜職衙門吏典都察院吏典俱除雜職其撥歷亦各從衙門大小而均分之其吏員考滿不給出丁憂不起復其侍親等項託故在間已經官府問斷仍充吏役者重歷三考澤掌銓慎守不欺本年四月以年老致仕

茹瑞字

湖廣衡山縣人洪武中由監生擢吏科給事中十

五年陞通政司右叅議十七年陞左通政善於其職 太祖特加眷注復其家二十年陞通政使二十三年改右副都御史本

年試兵部尚書二十五年加太子少保仍兼兵部尚書併給其俸三十一年改吏部尚書暴昭誣以賊罪黜爲河南左布政使詳兵部尚書

張統字昭季陝西西安府富平縣人統自少勤學勵行洪武初以明經舉授京兆學教授尋擢東宮侍書才識通敏懿文皇帝太子器重之十二年冬陞通政司左叅議十五年正月克雲南置雲南布政使司改統左叅政賜之勅諭及陞辭復賦詩一章賜之十八年進左布政統在雲南最久夷民心孚遠近安之凡土地貢賦法令條格祀神壇祀公署廨宇與夫上下典儀公用程度皆出統裁定自是雲南多中國衣冠流徙統與諸名士黃

景董倫輩定交而厚恤之其地在管內者不問識不識皆若親戚以故遷謫至者如歸二十年三月秩滿入覲上以統在雲南能撫綏夷人俾復職賜璽書勞之曰唐虞之制外樹州牧侯伯式奠民居以寧方域人樂雍熙載諸方籍雖不備述而紀綱見焉當是時賢良並出所用皆仁是以世代相承而法令不更諸侯列土千載不異以其誠信相孚上下無間也今之人不然善道弗行從欲如流朕竭氣力疲精神諄諄命之從者罕焉何其難治也曩者討平西南諸夷命官撫守爾統實先授任今五年矣言出則諸蠻聽服令布則四野懽忻皆由誠信相孚克其乃職莫安黔南人獲其所今年來朝不待考而朕知其功出乎



天下十二牧之首故嘉汝績復命仍治黔南汝往欽哉二十一年統以西南初靖餘孽尚驕以吏日程本立守禦龍他郎旬自是民安其業軍得其伍三十一年徵爲吏部尚書去官之日滇人思慕如失父母 建文君卽位旁求隱逸悉委統試衡鑑精絕量才授任各適其宜會修 太祖實錄被旨試翰林任編纂獨喜楊士奇有用之才以爲第一其知人之哲如此靖難師起預謀抗禦之方旣入京討奸黨統與焉及 成廟卽位召統與戶部尚書王純諭曰卿二人久事 皇考習知故典今皆老矣其解職務月給尚書半俸居京後自經於部之後堂

蹇義字宜之四川重慶府巴縣人詳後吏部尚書